



Ulloq 17. maj 2023

UPA2023/32

Nunat Avannarliit Killiit Siunnersuisoqatigiiffiannut aallartitat siulittaasuata Inatsisartut Suleriaasianni § 33, imm. 3, nr. 1 malillugu aalajangiiffisassatut siunnersuut tulliuuttoq saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 2/2022-imi Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalackersuisunut kaammattuutigaa nunani avannarlerni killerni naalackersuisut inuusuttunut tunngasunik suliassaqartinneqartut 2023-mi naapisinneqassasut ulluinnarni atukkat, peqqissuseq, sunngiffimmi soqutigisat, inuit akornanni qarasiaatigut attaveqaqatigiittarfiit qulequttallu allat attuumassutillit eqqarsaatigalugit nunani pineqartuni pingasuni inuttut qanoq inissisimanagerat pillugit misilittakkanik paarlaasseqatigiinnissaq aamma misissuinernik kisitsisitigullu paasissutissanik paarlaasseqatigiinnissaq siunertaralugu, taamaaliornikkut inuusuttut eqqarsaatigalugit ataatsimut ajornartorsiutit suussusersineqarnissaat ataqatigiissumillu suliniutigineqarsinnaasut eqqartorneqarnissaat siunertaralugu.

(Aallartitat siulittaasuut Kim Kielsen)

Nunat Avannarliit Killiit siunnersuisooqatigiivini Kalaallit Nunaanni siulittaasup saqqummiussaanut Siumumiik qujavugut.

Nunat Avannarliit Killiit siunnersuisooqatigiivini suliat assigiinngitsut Siumumiik peqataaffigalugillu pingaartippagut. Tassami nunarput ineriartorpoq aamma Nunat Avannarliit Killiit suleqatigalugit soorlu, ilinniartitaanikkut, timersornikkut, aalisarnikkut, niuernikkut, kulturikkut, peqqinnissakkut allarpassuartigullu.

Ukiuni arlalinni Inatsisartutigit suleqatigiinnitsinni ataatsimoorussamik aningaasaliissuteqartarpugut ilaatigut inuusuttatta iluaqutigisaannik assersuutigineqaannarsinnaavoq qanittumi Nunat Avannarliit Killiit siunnersuisooqatigiivini aaliangerparput nunani taakkunani suleqatigiilluni ilinniarnertuunngorniartarnerup maanna ingerlasup ingerlaannarnissaa.

Matumani kaammattuutigineqarpoq, Nunat Avannarliit Killiit akornanni inuusuttunut tunngasunik suliassaqartinneqartut ukioq manna naapisinneqassasut ulluinnarni atukkat, peqqissuseq, sunngiffimmi soqutigisat, inuit akornanni qarasiaatigut attaveqaqatigiittarfiit



qulequttallu allat attuumassutillit pillugit. Nunani Avannarlerni Killerni inuusuttut inuttut qanoq inissisimanagerat pillugu, misilittakkanik paarlaasseqatigiinnissaq aamma misissuinernik kisitsisitigullu paasisutissanik paarlaasseqatigiinnissaq siunertaralugu.

Kaammattuut ilalernartuusoq Siumumiik isumaqarpugut, taamaattumik taperserlugu taamatut isikkoqartillugu aappassaaniingassanngortipparput.